



Vinje kommune

Beredskapsplan for barnehageeigar i samband med Covid-19



Innhald

Innhold

Versjon 3, 13.10.20	1
Bakgrunn for planen	3
Føremål med planen	3
Målgruppe for planen	3
Ansvar	3
Vedtak om tiltaksnivå og stenging	4
<i>Kommunen kan fatte vedtak om stenging eller begrensning av aktivitet i en enkelt barnehage, skole, universitet, høyskole, fagskole eller annen utdanningsinstitusjon etter smittevernloven § 4-1 første ledd dersom det er nødvendig for å stanse pågående smittespreiing. Slikt vedtak kan ikkje blifatta av kommunen som eit generelt førebyggjende tiltak.</i>	
Ved smitteutbrot i barnehagen	4
Telefonliste ved beredskap	5
Når skal barn og vaksne ikkje møte i barnehagen?.....	5
Tiltak:.....	6
Tiltak dersom heile eller delar av barnehagen må halde stengt.....	8
Bemanning ved sjukdom/karantene	8
Smittereduserande tiltak	9
Gjeld for alle nivå:	9
Rutinar for god hygiene og forsterka reinhald.....	15

Bakgrunn for planen

Vi har for tida eit pandemiutbrot av Covid-19-viruset i Noreg og resten av verda. Dette påverkar samfunnet i stor grad. Det er ei målsetting for Regjeringa at skular, SFO og barnehagar skal kunne halde ope gjennom pandemiperioden. For å lukkast med dette, er det utvikla [nasjonale smittevernrettleiarar](#). Smittevernrettleiarane baserer seg på ein trafikkjosmodell, med tre nivå av smitteverntiltak på raudt, gult og grønt nivå. Det viktigaste tiltaket er at alle med symptom på luftvegsinfeksjon skal halde seg heime. Deretter er tiltaka sentrert rundt tre aksar. Dei tre aksane er **kontaktreduserande** tiltak, hygienetiltak og **reinholdstiltak**. Kommunane er bedne om å utarbeide lokale planar som syner korleis skulane, SFO og barnehagane skal kunne endre tiltaksnivå basert på endringar i lokal smittesituasjon. Denne planen gjeld barnehagane.

Føremål med planen

Planen skal, uavhengig av nivå på smitteverntiltak:

- Sikre eit godt barnehagetilbod
- Sikre at barnehagane har god og oppdatert informasjon om smittesituasjonen, gjeldande regelverk og smittevernrettleiarar.
- Vidareformidle informasjon til barnehagane for å førebygge smittespreiing, formidle råd og rettleiing frå nasjonale myndigheiter.
- Sikre at barnehagane opprettheld forsvarleg drift i tråd med smittevernråd gjevne av nasjonale myndigheiter ut frå smittesituasjonen til ei kvar tid

Målgruppe for planen

Planen er fyrst og fremst eit verktøy for barnehageeigar og barnehageleiinga. Den er også meint som informasjon for tilsette og føresette.

Ansvar

Smittevernmyndigheitene har ansvar for å avgjere kva for nivå tiltaka skal ligge på (grønt, gult eller raudt).

Barnehageeigar har ansvar for at barnehagane til ei kvar tid gjev barna eit godt barnehagetilbod uavhengig av smittesituasjon.

Barnehageeigar har ansvar for at barnehagane til ei kvar tid er oppdatert på lokal smittesituasjon og gjeldande tiltak for å hindre smittespreiing.

Barnehageleiinga har ansvar for informasjon til personalet, føresette og barn om den til ei kvar tid gjeldande lokale smittesituasjonen.

Barnehageleiinga har ansvar for å sette i verk tiltak i tråd med gjeldande smittevernrettleiarar og lokal smittesituasjon.

Personalet har ansvar for å halde seg oppdatert på informasjon om lokal smittesituasjon og tiltak og gjennomføre arbeidsoppgåvene innanfor rammene tiltaka gjev.

Vedtak om tiltaksnivå og stenging

Beredskapsleiinga er kommunen si øvste kriseleiing i den rådande situasjonen. Dersom ein skal fatte vedtak lokalt om kva for nivå (raudt, gult, grønt) barnehagane skal sette i verk tiltak etter, er det beredskapsleiinga som gjer dette i samråd med kommuneoverlegen.

Assisterande rådmann med ansvar for oppvekst har ansvar for at barnehageleiinga får beskjed om vedtaket og set i verk tiltak.

I beredskapsleiinga deltek:

Rådmann, ordførar, organisasjonssjef, helsesjef, assisterande rådmann (skule og barnehage), økonomisjef, næringssjef, teknisk sjef og kommuneoverlege 1.

Dersom avgjersle om smittenivå blir fatta på regionalt eller nasjonalt nivå, er det assisterande rådmann som har ansvar for å innhente informasjonen, og syte for at barnehageleiinga blir orientert og tiltak sette i verk.

Vedtak om stenging er regulert i Forskrift om smitteverntiltak mv. ved koronautbruddet (covid-19 forskriften):

§ 12c Kommunens myndighet til å stenge eller begrense aktivitet ved barnehager, skoler og andre utdanningsinstitusjoner

Kommunen kan fatte vedtak om stenging eller begrensning av aktivitet i en enkelt barnehage, skole, universitet, høyskole, fagskole eller annen utdanningsinstitusjon etter smittevernloven § 4-1 første ledd dersom det er nødvendig for å stanse pågåande smittespreiing. Slikt vedtak kan ikkje bli fatta av kommunen som eit generelt førebyggende tiltak.

Kommunen kan berre fatte generelt stengingsvedtak for barnehagar, skular, universitet, høgskular, fagskular eller andre utdanningsinstitusjonar i kommunen dersom det er stor smittespreiing. Kommunane i ein bu- og arbeidsmarkedsregion bør samarbeide om slike vedtak. Vedtaka skal godkjennast av Helsedirektoratet.

Med «kommunen» meinast her kommunestyre eller kommuneoverlegen.

Ved smitteutbrot i barnehagen

Det er føresette som har ansvar for at barn som har behov for det blir testa. Barnehagen sitt ansvar er at korkje barn eller tilsette med symptom på Covid-19 er i barnehagen. Dersom føresette er i tvil om dei skal teste, skal dei kontakte legekantoret for ei vurdering.

Dersom barn eller tilsette busette i Vinje kommune testar positivt for Covid-19, er det kommuneoverlegen som fyrst vil få informasjon om dette. Kommuneoverlegen varslar beredskapsleiar. Beredskapsleiar varslar og kallar inn beredskapsleiinga, mellom anna assisterande rådmann med ansvar for barnehagar og skular. Assisterande rådmann har ansvar for å varsle leiar av barnehagen som vidare har ansvar for å varsle tilsette og føresette. Leiar i barnehagen deltek i beredskapsrådsmøtet.

Dersom tilsette som ikkje er busett i Vinje kommune testar positivt for Covid-19, skal dei straks gje beskjed til leiar i barnehagen om dette. Leiar i barnehagen skal straks informere assisterande rådmann, som igjen skal varsle leiar for beredskapsleiinga. Leiar for beredskapsleiinga har ansvar for å varsle og kalle inn beredskapsleiinga og i tillegg barnehagesjefen i den aktuelle barnehagen.

Tilsette og føresette vil i få denne meldinga frå leiar i barnehagen (med atterhald om ev. tilpassing til den aktuelle situasjonen):

«Det er påvist Covid-19 smitte ved _____ barnehage. Naudsynte tiltak og smittesporing er sett i gang. Partar som blir omfatta av tiltak og smittesporing vil bli kontakta direkte. Dersom du ikkje blir kontakta direkte, møter du i barnehagen som normalt. Meir informasjon vil følgje.»

Ved positiv test hos eit barn, er det i utgangspunktet kohorten (på «gult nivå» svarar dette til avdelinga) som blir rekna som nærkontaktar og sett i karantene. Dersom barnet har sysken, vil ikkje andre kohortar bli ramma av karantene før sysken også ev. testar positivt. Sysken blir sett i karantene.

Vinje kommune vil sende ut ei pressemelding om situasjonen og oppdatere heimesida i høve dette. Det er i utgangspunktet ordførar og kommuneoverlege som skal handsame spørsmål frå pressa. Barnehagen sitt ansvar i situasjonen er å syte for eit godt tilbod til dei barna som er i barnehagen. Det er kommuneoverlegen og helse sitt ansvar å syte for smittesporing og situasjonen kring smitteutbrotet.

Telefonliste ved beredskap

Stilling	Namn	Telefonnummer
Kommuneoverlege, smittevernsansvarleg	Marius Opsahl	35062500
Kriseteamleiar (evakuering, psykososialt)	Gry Åsne Aksvik	92850037
Rådmann, beredskapsleiar	Jan Myrekrok	99637676
Assisterande rådmann (skule og barnehage)	Anders Sandvik	95407593
Næringssjef	Knut Martin Edland	90947295
Barnehagesjef Edland barnehage	Katrine Grindalen	41540655
Barnehagesjef Amot barnehage	Gerd Lyngstad Kroken	92223893
Barnehagesjef Rauland barnehage	Heidi Rønningen	90646483
Oppvekstsjef Øyfjell Oppvekstsenter	Dag Rune Sandvik	95168673

Når skal barn og vaksne ikkje møte i barnehagen?

Covid-19 viruset er mest smittsamt ved symptom. Symptom på sjukdomen er liknande som ved andre luftvegsinfeksjonar, slik som sår hals, hoste, feber og sjukdomskjensle. Det er

difor svært viktig at barn og vaksne (tilsette og foreldre) med luftvegssymptom i pandemiperioden ikkje møter i barnehagen og smittar andre.

Ettersom tida går, er det truleg at det både for føresette og tilsette ville oppleve dette kravet vanskelegare. Det er dior viktig at kommunen og barnehageleiinga jamleg gjev informasjon kring dette, og at barnehagane opprettheld en praksis kor barn med symptom på luftvegsinfeksjon alltid skal sendast heim.

Rettleiaren gjev rom for at barn med påvist allergi kan møte i barnehagen som normalt og at barn som har vore heime med symptom på luftvegsinfeksjon, men som framleis har snørr, kan møte i barnehagen dersom allmenntilstanden er god.


Tilsette i barnehagen kan koma på jobb etter luftvegsinfeksjon så snart dei er symptomfrie. Føresette med symptom på luftvegsinfeksjon skal ikkje bringe/hente i barnehagane.

Barnehagane i samarbeid med kommuneoverlegen/helsestasjonen gjev informasjon til heimane om korleis ein kan førebygge forkjøling og andre luftvegssjukdomar som ikkje er Covid-19.

Tiltak:

- Alle med **klare** symptom på luftvegsinfeksjon og dårleg allmenntilstand skal halde seg heime frå barnehagen. Dette gjeld også tilsette. Rettleiaren opnar for at barn som har snørr, men elles er friske kan møte i barnehagen som vanleg. Dette gjeld ikkje fyrste dag med symptom (snørr og/eller andre symptom på luftvegsinfeksjon), men seinare i perioden, dersom allmenntilstanden elles er god.
- **Kommuneoverlegen har i eige [skriv](#) gjort klart at ungar og tilsette i barnehage og barneskule med rennande nase og som har god allmenntilstand ikkje treng halde seg heime.**
- Føresette med symptom på luftvegsinfeksjon og dårleg allmenntilstand skal ikkje bringe eller hente i barnehagen
- Barnehagane i samarbeid med helsetenestene skal syte for jamleg informasjon til heimane kring smittevern
- Barn med klare symptom på luftvegsinfeksjon i barnehagen skal alltid sendast heim jf. smittevernrettleiaren. Det skal vera låg terskel for dette.
- Barn eller tilsett som har vore i nærkontakt med smitta, og som testar negativt for korona, skal i 10 dagars karantene.
- Barn eller tilsett som ikkje har vore i nærkontakt med smitta og som testar negativt for korona skal vere heime til han/ho er symptomfri, med unnatak gjeve i fyrste kulepunkt.

Flytskjema for covid-19-testing ved symptom



* Barn under 10 år som kun har rennande nase og har normal allmenntilstand utan andre teikn på nyoppstått luftvegsinfeksjon treng ikkje halde seg heime.

** Barn under 10 år med berre lette symptom kan sjå an symptoma heime eit par dagar før testing.

*** Barn under 10 år med negativt testsvar held seg heime til dei har god allmenntilstand, men treng ikkje vere heilt symptomfri.

Tiltak dersom heile eller delar av barnehagen må halde stengt

Barnehagen er ein stor del av barna sin kvardag. Barnehagen hjelper barna med å oppretthalde rytmen i dagen og i veka. Det er ein arena for å møte vener, leike, utvikle sosiale ferdigheiter og språk, utforske og lære. Å ikkje kunne møte i barnehagen som vanleg, vil vere ei stor endring i barna sitt liv og på ulike måtar opplevast som ei kjensle av tap. For å betre situasjonen for barna, er det viktig at barnehagane opprettheld kontakten med heimen og barna i perioden avdelingar eller heile barnehagen eventuelt må stenge. På kva for ein måte dette skal gjerast, er opp til den einskilde barnehage å avgjere. Det vil sjølvsagt også vera avhengig av barna sin alder og korleis barnet reagerer på situasjonen.

Døme på måtar på halde kontakt med barna og heimen:

- Utarbeide oppgåver barna kan gjere heime
- Ringe heimen jamleg. Snakke med barnet, dersom alderen tilseier det.
- Besøke barnet «over gjerdet»/ «på trappa»
- Sende ei videohelsing

Bemanning ved sjukdom/karantene

Bemanning ved mange tilsette borte grunna sjukdom eller karantene er ei utfordring. Tilgangen på vikarar er heller låg, og stort sett er vikarane ufaglærte. Vi kan kome i ein situasjon kor det ikkje er mogleg å både oppretthalde drift i barnehagane, samstundes om ein opprettheld gjeldande smitteverntiltak. Dersom det blir situasjonen vil følgjande tiltak bli vurdert:

- Reduserte opningstider
- Kartlegge i kva grad føresette har høve til å halde barnet heime
- Tilbod om plass i ein annan avdeling i ein periode

Eventuelle tiltak her vil kunne variere mellom barnehagane i Vinje

Smittereduserande tiltak

Gjeld for alle nivå:

Behovet for nærleik og omsorg hos barna må ivaretakast. Tilsette bør vaske hender etter kos og trøyst.

For spesielle tenestar (PPT, logoped og andre) skal desse fylgje basale smittevernrutinar etter gjeldande tilrådingar (god hand- og hostehygiene, ikkje møte opp ved sjukdom, osv.), men kan elles utføre sitt arbeid som normalt.

	Nasjonal retteleiar	Lokal tilrettelegging
GRØNT	Det ikkje behov for kohortinndeling av barn. Barn skal ikkje dele mat og drikke. Unngå fysisk kontakt mellom tilsette (handhelse og klemme)	Organisering som normalt. Matservering som normalt. Tilsette minnst om å ikkje handhelse og klemme
GULT	Avdelinga reknast som ein kohort. Sjå rettleiaren formeirkring dette. Innandørs kan kohortar som ikkje samarbeidar passere kvarandre og vere kortvarig i same område (inntil 15 minutt). Kohortane kan oppholde seg i samme rom over lengre tid dersom det kan vere minimum to meter avstand mellom dei helie tida. Kohortane, som ikkje samarbeider, bør ha ulike område å leike i ute. Fleire kohortar kan vere ute samstundes. For å halde avstand mellom kohortane, kan ein dele leikeplassen i soner. Samansetning i kohortane kan bli endra kvar veke etter helg.	Avdelinga reknast som ein kohort. Barnehagen er delt inn i to kohortar, som samarbeider ute. Uteområdet er delt i soner i høve til talet på kohortar Barnehageleiinga kan endre på bruk av personalet etter behov. Dette bør helst gjerast etter helg. Unngå fysisk kontakt mellom tilsette (handhelse og klemme). Halde avstand (minst ein meter) til kollegaer. Avgrense fysiske møte og pauser kor fleire samlast.

Unngå trengsel på veg inn og ut av barnehagen, i garderobar og på toalett. Føresette må halde ein meter avstand til tilsette og andre føresette. Meir tid ute. Barn skal ikkje dele mat og drikke. Mat kan lagast i barnehagen etter gjeldande retningsliner, men bør serverast porsjonsvis. Barna bør ete på si avdeling/kohort. Ved felles rom, bør kohortane ete på ulike tider. Bord og stolar bør reingjerast etter kvar gruppe. Unngå deling av materiell og leiker mellom avdelingane/kohortane. Avgrens deling av materiell mellom kohortar (til dømes teiknesaker, saks, viskelær, blyantkvessar, nettbrett og liknande). Leiker bør ikkje takast med heimanfrå.	Det er utarbeida felles rutinar for levering/henting i den einskilde barnehage. Føresette bli oppmoda til å halde avstand t.d. gjennom oppslag. Barnehageleiinga vurderer i tråd med årstid og barnas alder kor mykje barna skal vera ute. Barn skal ikkje dele mat og drikke. Måltid serverast som normalt. Mat serverast ferdig smurt/kutta og porsjonsvis. Måltid gjeng føre seg på avdelingane. Barnehageleiinga syter for at materiell og leikerer fordelt mellom avdelingane. Leiker som ikkje kan vaskast er rydda bort. Det er ikkje lov å ta med leiker heimanfrå. Kosedyr nyttast berre ved soving.
--	---

	Unngå fysisk kontakt mellom tilsette (handhelse og klemme) Halde avstand (ein meter) til kollegaer. Vere ekstra merksame på hygiene kring kjøkken/mat. Dersom det er vikarar som arbeider i fleire barnehagar, må dei få opplæring i gjeldande lokale rutinar i kvar barnehage. Vurdere digitale møte i staden for fysiske møte der det er mogleg.	Tilsette oppmodast til å unngå handhelse og klemme. Tilsette oppmodast til i størst mogleg grad å halde avstand til kollegaer. Tilsette oppmodast til å vera ekstra merksame på hygiene kring kjøkken/mat. Barnehageleiinga har til ei kvartid ansvar for at vikarar er kjent med barnehagen sine rutinar for smittevern.
RAUDT	Etablere mindre kohortar med barn og tilsette. Sjå rettleiaren for meir kring dette. Ein kan opne for noko større kohortar eller at 3 kohortar samarbeide om praktiske oppgåver. For småbarnsavdelingar, kan ein kohort vere opptil 4-5 barn, medan ein kohort i ein storbarnsavdeling kan vere opptil 8-10 barn Barnehagene må selv vurdere størrelse på kohorter utfra barnas alder, aktivitetsnivå og behov for voksenoppfølging. For å halde avstand mellom kohortane, kan leikeplassen delast i soner, eller barn kan vera ute til ulike tidspunkt. Syte for at alle barn har eigen sitteplass ved mat eller aktivitetar.	Barnehageleiinga, i samråd med kommunalsjef, har ansvar for å etablere hensiktsmessige kohortar basert på gjeldande smittesituasjon. Som ein konsekvens av smitterverntiltaka vil barnehagen si opningstid bli redusert. Barnehageleiinga har ansvar for å dele inn uteområdet på ein hensiktsmessig måte mellom kohortane. Barnehageleiinga har ansvar for at alle barn har sin faste sitteplass.

	Unngå trengsel påveg inn og ut av barnehagen, i garderobar og på toalett. Føresette må halde ein meter avstand til tilsette og andre føresette. Meir tid ute. Ta i bruk større lokale der det er naudsynt og mogleg. Føresette bør ikkje bli med inn i barnehagen dersom det ikkje det er naudsynt. Her må omsynet til barnet sitt behov for trygghet vege tyngst. Mat kan lagast i barnehagen etter gjeldande retningslinjer, men bør serverast porsjonsvis. Barn skal ikkje delta i matlaginga. Barna bør ete på si avdeling/kohort. Ved felles rom, bør kohortane ete til forskjelligetider. Bord og stolar bør reingjerast etter kvar gruppe.	Føresette leverar og hentar ute eller i døra. Førsette blir sterkt oppmoda til å halde ein meter avstand til andre vaksne. Det blir også oppslag om dette. Barnehageleiinga vurderer i tråd med årstid og barnas alder kor mykje barna skal vera ute. Vurdere bruk av fleire lokale der det er naudsynt Vurderast i kvart einskild tilfelle. Vurdere kva for måltid ein har høve til å servere, avhengig av smittesituasjonen. Barna har med eigen mat og drikke Måltid gjeng før seg i kohortane.
--	--	---

	Barn skal ikkje dele mat og drikke. Unngå deling av materiell og leiker mellom avdelingane/kohortane. Leiker bør ikkje delast mellom kohortar før leikene er reingjort. Leiker bør ikkje takast med heimanfrå. Unngå fysisk kontakt mellom tilsette (handhelse og klemme). Halde avstand (minst ein meter) til kollegaer. Avgrense fysiske møte og pauser kor fleire samlast. Bruke videokonferanse i staden for fysiske møte med kollegaer der det er mogleg. Felles nettbrett, datamaskiner/tastatur må vaskast av etter bruk.	Barn skal ikkje dele mat og drikke. Barnehageleiinga syter for at materiell og leiker er fordelt mellom avdelingane og rutiner for reinhald dersom materiell/leiker skal bytast på. Det er ikkje lov å ta med leiker heimanfrå. Kosedyr nyttast berre ved soving. Tilsette oppmodast sterkt til å unngå å handhelse og klemme. Tilsette oppmodast sterkt til i størst mogleg grad å halde avstand til kollegaer. Barnehageleiinga syter for å legge til rette for at tilsette kan halde avstand på møter og pauser. Vurdere bruk av Teams til møter. Barnehageleiinga har ansvar for å lage rutinar og ha tilgjengeleg utsyr for dette.
--	---	---

	Vere ekstra merksame på hygiene rundt kjøkken/mat. Dersom det er vikarar som arbeider i fleire barnehagar, må dei få opplæring i gjeldande lokale rutinar i kvar barnehage. Unngå omrokkingar av personalet mest mogleg. Unngå bruk av handsmykke på jobb.	Tilsette oppmodast til å vera ekstra merksame på hygiene kring kjøkken/mat. Barnehageleiinga har til ei kvartid ansvar for at vikarar erkjent med barnehagen sine smittevern rutinar. Barnehageleiinga unngår mest mogleg omrokking av personalet, men ved behov for at kvardagen skal gå opp, må omrokkingar nyttast. Tilsette oppmodast til ikkje å bruke ringar og armband på jobb.
--	--	--

Rutinar for god hygiene og forsterka reinhald

Gult og raudt nivå har same rutinar for hygiene og reinhald.

	Nasjonal rettleiar	Lokal tilrettelegging
GRØNT	- Ordinære rutinar for reinhald - God handhygiene på rett måte til rett tid - Hoste/nyse i albuekroken eller i tørkepapir	- Følgje ordinær reinhaldsplan for barnehagane - Barn og tilsette blir minna om god handhygiene og det er oppslag om dette i bygget - Barn, føresette og tilsette blir minna om god hoste/nysehygiene og det er oppslag om dette i bygget
GULT	- God handhygiene på rett måte til rett tid - Hoste/nyse i albuekroken eller i tørkepapir <i>Forsterka rutinar for reinhald:</i> - Toalett og vaskeservantar må reingjerast minimum dagleg - Eingongspapirhandkle og såpe skal vera tilgjengeleg	<i>Barna skal vaske eller desinfisere hender:</i> - Når dei kjem til barnehagen, - før måltid, - etter toalettbesøk, - vaske ved synleg skitne hender, - etter å ha pussa nesa, - etter kontakt med dyr - Rutinar som syter for at det alltid er såpe og tørkepapir tilgjengeleg ved alle handvaskar - Rutinar som syter for at våtserviettar og handsprit er med på tur - Rutinar som syter for tilgjengeleg desinfisering t.d. på pauserom, ved porten og andre aktuelle stader - Rutinar for å bruke hanskar ved bleieskift og handvask etter bleieskift - Det er oppslag i bygget om rutinar for god handhygiene, når og korleis den skal gjennomførast. - Det er ikkje naudsynt med smittevernutstyr eller eige arbeidstøy. Tøy vaskast som normalt.

	-Reingjering av potter etter bruk -Matbord og stolar vaskast med vatn og såpe etter bruk -Dørhandtak, trappegelender, stolar o.l. reingjerast minimum dagleg. -Nettbrett, tastatur/datamaskin og anna utstyr som delast vaskast etter bruk, minimum dagleg. -Det er ikkje naudsynt å bruke desinfeksjonsmiddel -Redusere talet på leiker og materiell innandørs -Leiker og materiell som berre nyttast av ein kohort treng ikkje dagleg reingjering - I staden for reingjering, kan leiker og materiell «karantene» i 2-3 dagar før dei brukast av ein annan kohort. -Tøyleiker og tekstilar vaskast som anvist, om ikkje må dei ryddast bort.	-Barnehageleinga har ansvar for reingjering av leiker og ev. matbord/stolar dersom fleire grupper skal bruke same bord. -Barnehageleinga har ansvar for å vurdere kormykje leiker og materiell som treng å vera framme -Barnehageleinga har ansvar for å fordele leiker og materiell, og ev. byte etter helg
RAUDT	-God handhygiene på rett måte til rett tid -Hoste/nyse i albogekroken eller i tørkepapir <i>Forsterka rutinar for reinhald:</i> -Toalett og vaskeservantar må reingjerast minimum dagleg	<i>Barna skal vaske eller desinfisere hender:</i> -Når dei kjem til barnehagen, -før måltid, - etter toalettbesøk, - vaske ved synleg skitne hender, - etter å ha pussa nesa, - etter kontakt med dyr -Rutinar som syter for at det alltid er såpe og tørkepapir tilgjengeleg ved alle handvaskar -Rutinar som syter for at våtserviettar og handsprit er med på tur -Rutinar som syter for tilgjengeleg desinfisering t.d. på pauserom, ved porten og andre aktuelle stader -Rutinar for å bruke hanskar ved bleieskift og handvask etter bleieskift -Det er oppslag i bygget om rutinar for god handhygiene, når og korleis den skal gjennomførast. -Det er ikkje naudsynt med smittevernutstyr eller eige arbeidstøy. Tøy vaskast som normalt. -Barn, føresette og tilsette blir minna om god hoste/nysehygiene og det er oppslag om dette i bygget

-Eingongspapirhandkle og såpe skal vera tilgjengeleg -Reingjering av potter etter bruk -Matbord og stolar vaskast med vatn og såpe etter bruk -Dørhandtak, trappegelender, stolar o.l. reingjerast minimum dagleg. -Nettbrett, tastatur/datamaskin og anna utstyr som delast vaskast etter bruk, minimum dagleg. -Det er ikkje naudsynt å bruke desinfeksjonsmiddel -Redusere talet på leiker og materiell innandørs -Leiker og materiell som berre nyttast av ein kohort treng ikkje dagleg reingjering - I staden for reingjering, kan leiker og materiell «karantene» i 2-3 dagar før dei brukast av ein annan kohort. -Tøyleiker og tekstilar vaskast som anvist, om ikkje må dei ryddast bort.	-Reinhold utarbeider eigne planar for forsterka reinhold i tråd med tilrådingane i smittevernrettleiaren. -Barnehageleinga har ansvar for reingjering av leiker og ev. matbord/stolar dersom fleire grupper skal bruke same bord. -Barnehageleinga har ansvar for å vurdere kormykje leiker og materiell som treng å vera framme -Barnehageleinga har ansvar for å fordele leiker og materiell, og ev. byte etter helg
--	---